

## საქართველოს მუნიციპალური განვითარების ფონდი



### მოწვევა სატენდერო წინადადების წარდგენაზე

საქართველო

### ურბანული რეკონსტრუქციის და განვითარების პროექტი

### ბორჯომის მუნიციპალიტეტის დაბა ახალდაბის

### წყალსადენის რეაბილიტაცია

კონტრაქტის/ტენდერის # EIB/MIMP/W/NCB/36-2017

საქართველომ მიიღო ევროპის საინვესტიციო ბანკისაგან (EIB) დაფინანსება საქართველოს ურბანული რეკონსტრუქციის და განვითარების პროექტის (GURAD) განსახორციელებლად და განზრახული აქვს ამ სახსრების ნაწილი გამოიყენოს შემდეგი კონტრაქტით გათვალისწინებული გადახდებისათვის: **ბორჯომის მუნიციპალიტეტის დაბა ახალდაბის წყალსადენის რეაბილიტაცია.**

პროექტი ითვალისწინებს დაბა ახალდაბის სათავე ნაგებობების რეაბილიტაციას. კერძოდ #1 წყალმიმღებისთვის ჭის სახურავების და ახალი ურდულების მოწყობას, #2 წყალმიმღების მიმართულებით წყალდენზე მილის გასწორებაზოვნებას (არსებული მილების გადაწყობას), #2 წყალმიმღებისთვის წყლის დამჭერი კედლის მოწყობას და არსებული ჭებისთვის ხუფების ურდულების და ჩასასვლელი კიბის მოწყობას. წყლის გაწმენდისთვის სამუშაოები მოიცავს არსებული #1 და #2 სალექარების კედლების სარეაბილიტაციო სამუშაოებს და ასევე მათში ახალი ტიხრების მოწყობას. ასევე არსებული საშიბერო კამერების რეაბილიტაციას, კერძოდ კვანძებში ურდულების შეცვლას და ასევე ერთი საშიბერო კამერის დემონტაჟს და ახლის მშენებლობას. პროექტით რემონტდება არსებული საყარაულო ჯიხურის, ხდება არსებული რეზერვუარის რეაბილიტაცია და მისი საშიბერო კამერის დემონტაჟი და ახლის მშენებლობა. რეზერვუარის მიმდებარედ ეწყობა ახალი ულტრა ფილტრაციის სადგური წარმადობით 60მ<sup>3</sup>/სთ. ქსელის რიგ უბნებში ხდება ახალი მილების მონტაჟი და კვანძის ჭებში ახალი ურდულების მონტაჟი. ასევე ხდება მდინარე მტკვარის გადაკვეთა მცირე დიამეტრის მილით მდინარის მეორე მხარეს მოსახლეობის წყალმომარაგებისთვის.

### სამშენებლო სამუშაოების ძირითადი მოცულობები:

1. არსებული ორი სათავე ნაგებობის რეაბილიტაცია (ჭის სახურავების, ურდულების ჩასასვლელი კიბეების და ერთი წყლის დამჭერი კედლის მოწყობა).  
-მიწის სამუშაოები 16,7მ<sup>3</sup>
2. #1 და #2 სალექარების რეაბილიტაცია და მათში ტიხრების მოწყობა  
-მიწის სამუშაოები 760მ<sup>3</sup>  
-რკინაბეტონის სამუშაოები 54,3მ<sup>3</sup>  
-არსებული კედლების რეკონსტრუქცია-შელესვა 1090მ<sup>2</sup>  
-სალექარის ბადიანი თავსახურის მოწყობა 731მ<sup>2</sup>
3. სალექარების ტერიტორიაზე ახალი საშიბერო კამერის მოწყობა  
-რკინაბეტონის სამუშაოები 6,2მ<sup>3</sup>
4. საყარაულოს რეაბილიტაცია შენობა 24მ<sup>2</sup> შენობა
5. 1000მ<sup>3</sup> მოცულობის რეზერვუარის რეაბილიტაცია

- კედლების და ჭერის შელესვა 100მ<sup>2</sup>
- წყალ შეულწევადი ხსნარით დამუშავება 552მ<sup>2</sup>
- გადახურვის რეაბილიტაცია 200მ<sup>2</sup>
- 6. რეზერვუარის საშიბერო კამერის რეაბილიტაცია
  - რკინაბეტონის და სამშენებლო სამუშაოები 16,5მ<sup>3</sup>
- 7. საფილტრაციო სადგურის შენობის მოწყობა 50მ<sup>2</sup>
  - მიწის სამუშაოები 36მ<sup>3</sup>
  - რკინაბეტონის სამუშაოები 21მ<sup>3</sup>
  - რკინის სამშენებლო კონსტრუქციები 4,4ტ
  - სენდვიჩ პანელის კედლები და გადახურვა 165მ<sup>2</sup>
- 8. ულტრა ფილტრაციის სადგურის ტექნოლოგიური ნაწილი წარმადობით 60მ<sup>3</sup>/სთ
- 9. დაბის წყალმომარაგების ქსელის უბნების რეაბილიტაცია:
  - მიწის სამუშაოები 1590მ<sup>3</sup>,
  - ქვიშის ბალიში 175მ<sup>3</sup>,
  - მილსადენი 2175მ.
  - მილით მდინარის გადაკვეთა ბაგირზე დაკიდებით 100 მ
  - მილის დაკიდება ხიდზე მდინარის გადაკვეთისას 76მ

სამუშაოების ხანგრძლივობაა **150 (ასორმოცდაათი) დღე** სამუშაოების დაწყებიდან.

საკვალიფიკაციო მოთხოვნათა შორის არის, მაგრამ არ შემოიფარგლება შემდეგით:

ა) კონკურსანტის სამშენებლო სამუშაოების საშუალო წლიური ბრუნვა დაანგარიშებული მიმდინარე ან დასრულებული კონტრაქტების ერთობლივი დადასტურებული გადახდებიდან, ორი (2) წლის (2015, 2016წწ.) განმავლობაში უნდა იყოს არანაკლებ **1,145,000.00** ლარის ექვივალენტი;

ბ) კონკურსანტის წლიური შესაძლებლობა უნდა იყოს არანაკლებ **763,000.00** ლარის ექვივალენტის ოდენობით;

გ) კონკურსანტმა უნდა დაადასტუროს ფინანსურ რესურსებზე ხელმისაწვდომობა არანაკლებ **191,000.00** ლარის ექვივალენტზე;

დ) კონკურსანტს, 2012 წლის 1 იანვრიდან განაცხადის წარდგენის ბოლო თარიღამდე, წარმატებულად უნდა ჰქონდეს დასრულებული სულ მცირე ერთი (1) **წყალსადენის მოწყობის/რეაბილიტაციის კონტრაქტი**, არანაკლებ **610,000.00** ლარის ექვივალენტის ღირებულებით ან ორ კონტრაქტში, რომელთაგან თითოეულის ღირებულებაა სულ მცირე **305,000.00** ლარის ექვივალენტი.

საქართველოს მუნიციპალური განვითარების ფონდი იწვევს უფლებამოსილ და კვალიფიცირებულ კონკურსის მონაწილეებს განახორციელონ **ბორჯომის მუნიციპალიტეტის დაბა ახალდაბის წყალსადენის რეაბილიტაცია**.

ტენდერი ტარდება „ეროვნული საკონკურსო ვაჭრობის“ (National Competitive Bidding) პროცედურების შესაბამისად ევროპის საინვესტიციო ბანკის (EIB) შესყიდვების სახელმძღვანელოს მიხედვით. აღნიშნული სახელმძღვანელოს 3.4.1 პუნქტის შესაბამისად და დონორის გადაწყვეტილებით ტენდერით გათვალისწინებული სამუშაოების შესყიდვისათვის გამოყენებული იქნება მსოფლიო ბანკის სტანდარტული სატენდერო დოკუმენტაცია და მსოფლიო ბანკის შესყიდვის პროცედურები ეროვნული საკონკურსო ვაჭრობისათვის.

საკონკურსო წინადადებები წარმოდგენილი უნდა იქნას სახელმწიფო შესყიდვების ერთიანი ელექტრონული სისტემის გამოყენებით.

საკონკურსო წინადადებას თან უნდა ახლდეს სატენდერო წინადადების საბანკო გარანტია ღირებულებით **15,200.00** (თხუთმეტიას ორასი) ლარი, სატენდერო დოკუმენტაციის მე-4 თავში მოცემული ფორმით.